

百名家詞鈔

名家詞鈔目錄

廬陵

聶

先

晉人

纂定

長水

曾王孫

道扶

珂雪詞

安丘

曹貞吉

實庵

采桑子

二調

玉連環

浪淘沙

二調

木蘭花

夜行船

蝶戀花

漁家傲

祝英臺近

名家詩金剛經

爪茉莉

簇水

喝馬一枝花

惜紅衣

滿江紅 四調

天香 二調

掃花遊

水調歌頭

水晶簾

玉簫涼

暗香

畱客住

尾犯

燕山亭

雙雙燕

月華清

催雪

玲瓏四犯

瑣牕寒

三調

百字令

六調

解語花

三調

珍珠簾

桂枝香

水龍吟

宴清都

瑞鶴仙

花犯

臺城路

三調

拜星月慢

霓裳中序第一

綺羅香

秋霽

南浦

花發沁園春

望遠行

解連環

一寸金

風流子

四調

疎影

八寶粧

蘇武慢

沁園春

八歸

賀新涼

二調

摸魚兒

五調

笛家

二調

畫屏秋色

蘭陵王

大酺

玉女搖仙佩

二調

珂雪詞

安丘 曹貞吉 賞庵

采桑子

春閨

東風小立。簾櫳靜。蛺蝶飛飛。蛺蝶飛飛。撲面楊花燕
子歸。困人天氣無些事。金鴨香微。金鴨香微。睡損
芙蓉一半兒。

前調

秋閨

梧桐小院黃昏後。茉莉風涼。茉莉風涼。一縷香生髮
鬢粧。窺人斜月渾無賴。又上西牕。又上西牕。金井

烏啼夜未央

玉連環

水仙

盈盈似隔紅塵路。陳王休賦。黃昏不是乍聞香。月底更無尋處。靜掩繡簾朱戶。更聽微雨。青溪溪畔女郎祠。髣髴見魂來去。

浪淘沙

不寐口占

雨氣沒高林。庭院深深。流螢如豆草如針。又是嫩涼時候也。只欠疎砧。舊夢杳難尋。雲水沉沉。海南花發土墻陰。斜月窺人人未起。冷浸孤衾。

前調 丁巳清明

煙草似愁生。綠滿長汀。隔牆一一賣花聲。十日雨絲
天作劇。渲染清明。林外乍啼鶯。樓外峰青。東風拂
面酒微醒。欹帽垂鞭。何處去。淦淦寒輕。

木蘭花 春晚

薜蘿一剪城南路。弱絮隨風亂如雨。垂鞭常到日斜
時。送客每逢腸斷處。悄悄門巷春將暮。樹底蕩紅
愁不語。畫梁燕子睡方濃。落盡香泥却飛去。

夜行船 本意

十幅蒲帆風力勁。有魚牀夜燈相映。兩岸衰蘆一條。
寒碧波影月痕難定。柔櫓無聲人語靜。怕沙鷗暫
時驚醒。篷背新霜。山邊曉市。楓葉亂遮。簑笠。

蝶戀花

夏夜酒醒口占

解識濁醪多妙理。八尺琉璃引入甜鄉裏。酒重燈昏
慵不起。夢迴已是三千里。殘月幾檣斜界。縹天色
空青。銀漢光垂地。苔澁流螢飛且止。穿簾好趁荷風
細。

漁家傲

讀漢史

縹緲雲中赤彘子。求仙遠隔蓬萊水。巨棗安期曾餉
未。真奇事。馬肝解令文成死。天下神仙皆妄耳。茂
陵石馬秋風裏。金椀玉魚紛出市。渾無味。如鉛早下
銅人淚。

祝英臺近

賦得戲脫紅帶裏鴨兒

浦風回。村路遠。畫檝弄還倦。閒唼浮萍。乳鴨兩三點。
任他次第呼名。竹弓休射。怕驚起。睡鴛波面。綉裙
茜。忽地蘸水空明。花影碎。凌亂猶帶殘霞。混入也難
辨。笑携女伴歸來。滿身荷露。渾疑是巫山行徧。

爪茉莉

本意和蛟門用宗梅岑韻

玉蕊離離。只飛瓊可比。添多少。晚牕清氣。風前小立。
微嗅處。詭人嬌意。黃昏後。雨過新涼。金蟲簪兒。串起。
新粧髮鬢。紗幘勞鴟鬢底。窺斜月光。光流陸餘香。
幽約收來。枕畔合子。待明朝。淡抹遠山相對。碧天澄。
澄似水。

簇水

玉蝶梅

雲母堆成。并刀剪破。滕王譜。幾雙粉翅。化玉蕊瓏鬆。
千樹行遍。瑤臺十二。還向孤峰住。怕雪擁斷橋來路。

吟○思○苦○。便○一○夜○。牕○前○忽○到○。在○屋○角○昏○黃○處○。濃○香○作○
陣○。更○莫○引○蜂○兒○舞○。悵○悵○曉○風○吹○亂○。好○夢○參○差○去○。欄○杆○
曲○。倩○淡○烟○低○護○。

喝馬一枝花

送沈茶星之來賓任

絕○遠○賓○江○路○。亂○水○輕○舟○頻○渡○。瀟○湘○行○欲○盡○。瘴○雲○苦○。干○
樹○枕○榔○月○。黑○鴉○啼○處○。到○日○清○秋○好○。鬻○戶○鮫○人○滿○城○看○
笑○舞○。椰子○傾○甘○露○。照○眼○紅○蕉○輕○吐○。推○棹○小○柱○笏○訟○
庭○暮○。龍○目○香○中○早○暗○。送○年○華○去○。吟○情○應○不○減○。問○寫○就○
蠻○牋○重○寄○昭○王○臺○否○。

惜紅衣

詠荷花紫草

影借遷毬根連阡陌都無人惜翠蓋紅衣佳名倩誰
錫盈盈帶露刻襪過茜裙畱蹟春碧行盡斷蕪怕王
孫岑寂斜陽弄赤山抹烟光丁香也無色幾番風
信曾否記開日莫是雲英潛化滿地亂瓊狼籍惹牧
童驚問蜀錦甚時鋪得

滿江紅

題吳遠度竹村情話圖

滿目蒼然似嶢谷琅玕千尺想落筆公孫舞劍張顛
濡墨瀟灑青天鸞鳳下動搖雷雨蛟龍墨掩柴門清

話爾何人，情金石。草閣外，江流積。小艇上，孤蓬窄。
喜青樽可共，閑愁如滌。風起牕前，聞解籜。月明林下，
堪容展憶。當年幽事，幾人同。山陽笛。

前調 題阮亭寫竹

何物琅玕，偏愛傍子猷書屋。微雨後，月痕低照。亭亭
新沐，洛女凌波，鳴雜珮。湘人鼓瑟，敲寒玉。早風雷一
夜起，龍孫森然綠。何處是，秦川曲。休更覓，篔簹谷。
只閒庭半畝，差堪醫俗。振籜未隨秋，寂寞窺簾似共。
人幽獨。待他年，玉版好同參。寧爲腹。

前調 和錫地吳大帝廟下作

遺廟江東。舊日是紫髯天下。英魂在靈風夢雨。捲旗
飄瓦。師子雄才原足惜。孝廉斌媚還能霸。笑周郎帷
幄。慮何淡。忘中夏。羞銅雀。東風借。紛搖櫓。吳蒙詐。
彼孫劉之睦。姻盟其假。自昔江山阿闕國。於今父老
新豐社。聽石頭戰鼓似寒潮。空城打

前調 金臺懷古

落照蒼然。空掩映荒臺數尺。憶當日君臣之際。悲哉
昌國。七十二城如解籜。功成翻削英雄色。讀先生一

紙報燕書爲沾臆。碣石畔。風蕭瑟。卽墨下。牛騰擲。
笑安平奇計。兒童能識。騎劫庸才何足道。可憐血戰。
凝深碧。問千金馬骨。倩誰埋。邯鄲陌。

天香

龍涎香

孤嶼荒寒。斷潮嗚咽。抱珠神物濃睡。蜃霧成樓。綃宮
噴雪。點點鮫人清淚。紅薇露溼。早釀就都梁佳致。巨
舶長風破浪。似携海嶠鱗尾。春闈夜闌烟細。鬱空
青水。天霞氣。漫惹雨絲霑灑。金猊聲碎。鳳脰一枝淡
炷。偎翠袖餘寒戀。纖指莫放悠颺。繡簾匝地。

前調 詠綠牡丹爲牧仲作

國○色○凝○香○露○華○垂○檻○苔○痕○欲○上○階○砌○不○就○輕○黃○還○成○
嫩○碧○接○葉○交○柯○無○二○石○家○金○谷○供○紗○舞○珠○珠○濃○睡○道○
染○春○光○好○處○掩○映○一○天○空○翠○魚○子○暮○雲○微○起○帶○蕉○
牕○幾○分○涼○意○暗○想○向○誰○處○黛○遠○峰○如○此○倒○掛○嶺○南○么○
鳳○莫○藏○影○花○間○覓○花○蕊○芳○草○成○裊○碧○旗○碾○試○

掃花遊 春雪用宋人韵

元○宵○過○也○看○春○色○靡○蕪○澹○烟○平○楚○濕○雲○萬○縷○又○輕○陰○
作○暈○蜂○兒○亂○舞○一○夜○梅○花○暗○落○西○牕○似○雨○飄○搖○去○試○

問逐風歸到何處。燈事纔幾許。記流水、水鈿車、畫橋、
爭路。蘭房列俎。歎華易擲。鬢絲堆素。擁斷關山知
有離人。獨苦。漫凭竚。聽寒城、數聲譙鼓。

水調歌頭 大醉放言

左手把歡伯。右手擘雙螯。淋漓酒濃衫重。一任髮蕭
蕭。我自狂歌潦倒。醉看長安市上。若個插金貂。郁禹
莫相笑。阮藉正逍遙。列蛾眉。調錦瑟。響雲璈。君侯
應自貴耳。吾欲等鷓鴣。腐鼠纔堪一飽。仰視鸚鵡。日
嚇。意氣二蟲驕。安往非貧賤。三徑問蓬蒿。

水晶簾

賦得無端嫁得金龜婿。辜負香衾待
早朝。

夢細幽香韻甚長。樂鐘聲敲醒。倦眼迷離。訝寶炬星
輝。照人難定。正好睡時。何處去想蓮漏迢迢。尙永五
更天。最是霜寒鎮教寂靜。徘徊掩清鏡。憶紅閨淡
夜。鄰鷄曾聽。便惱他伊。嗻未愁伶俜。不似而今。慵早
起。怕瑟瑟。穽殘被冷。又爭如簾幙長垂。小牕日影。

玉簫涼

七夕有感和其年

十載長安記。如此良宵。團扇拋殘。龍梭初罷。織赴碧
落。幽歡幾多。鈿合蟾子。陳瓜果。乞巧樓前。驚夢醒。但

絳河千尺。雲氣漫漫。無端嫩苔繡瓦。斜月窺牕。粧
做秋意闌珊。去年當此際。正同倚危欄。定識涼生玉
簟。盼鵲駕不到人間。天似水。擲淚珠。荷露爭圓。

暗香 綠萼梅

墻陰淡白。算雪晴未久。換成春色。一剪薜蘿移上枝。
頭弄輕碧。照水空明數朶。認樹老雨痕交蝕。大好是
洛浦相逢。尋翠羽消息。橋側聞夜笛。笑寂寂。玉鱗
月中難覓。九疑舊客。又向蟠螭露仙蹟。轉眼青青似
豆。還記取前身。蕭瑟。搖落處。苔影薄。依稀見得。萼綠
華日

余九疑
仙人也

留客住 鷓鴣

瘴雲苦。徧五溪沙明水碧。聲聲不斷。只勸行人休去。
行人。今古如織。正復何事。關卿頻寄語。空祠廢驛。便
征衫濕盡。馬蹄難駐。風更雨。一髮中原。杳無望處。
萬里炎荒。遮莫摧殘毛羽。記否。越王春殿。宮女如花。
祗今唯剩汝。子規聲續。想江深月黑。低頭臣甫。

尾犯 荀

小牕雨霽。傍疎籬一帶。籟聲盈耳。繩牀乍破。幽人夢

驗○昔○錢○穿○碎○墻○陰○屋○角○鬱○千○尺○凌○雲○勢○笑○洋○州○太○守○
清○貧○却○饒○玉○版○風○致○曾○過○荻○洲○江○市○銀○鱗○撥○刺○出○
水○向○花○樓○晨○飯○松○濕○烟○青○燒○來○偏○脆○谷○口○如○蓬○宮○中○
似○束○故○人○情○味○最○憐○是○憔悴○龍○孫○琅○玕○銷○盡○生○翠○

燕山亭 九日排悶

北○鴈○橫○斜○似○水○晴○空○無○限○蕭○蕭○意○深○巷○閉○門○懶○去○登○
高○那○問○幾○人○曾○醉○紅○葉○青○山○正○渲○染○蒼○涼○天○氣○何○事○
只○辜○負○秋○光○淡○然○如○此○記○得○去○歲○城○南○傍○野○逕○疎○
離○亂○穿○濃○翠○女○兒○景○物○羈○客○心○情○添○得○一○番○悲○喜○便○

上層樓望不到故園千里千里有多少荒烟敗壘。

雙雙燕

詠鏡中美人影和沈鳳干

一泓秋水誰移向深閨。偷近蛾綠空明不定。綽約伴人幽獨。臨就崔徽別幅。又淺笑輕��。相矚何人解識。傾城自賞容輝。金屋。掠削雲鬟粧束。問就裏芳心。可同千曲。離魂初覺。嬌暈枕痕紅足。小閣朝來新沐。瞥收却巫峰六六。怕是清冷圓冰。一擲黃金難贖。

月華清

詠山鷓爲阮亭作

織翠爲裳。疑丹作距。飛來何處烟暝。金索珊珊。落下

斷送幾場歌舞。鄢郢家門。荆蠻帶礪。兩地應難補。英
魂猶在。空餘血淚凝注。五千甲楯行成。十年生聚。
軋軋勾章艣。吳越興亡。關底事。都作寒江烟霧。入楚
旌旗。盟齊歲月。寂寞渾無據。蘆中人。杳區區。恩怨何
苦。

前調

田○光○老○矣○笑○燕○丹○賓○客○都○無○人○物○馬○角○烏○頭○千○載○恨○
七○首○匣○中○如○雪○落○日○蒼○涼○羽○聲○慷○慨○壯○士○衝○冠○髮○咄○
哉○孺○子○武○陽○色○怒○而○白○試○問○擊○筑○漸○離○此○時○安○在○

何不同車發負。劔祖龍驚掣袖六尺屏風。堪越貫日
長虹。繞身銅柱。天意畱秦。劫蕭蕭易水。至今猶爲嗚
咽。

前調

南山歸晚。遭相訶醉尉。灞亭秋暮。故李將軍猿臂在。
射石猶能飲羽。虎鼠行藏。烟雲變態。若輩爭知否。霜
寒草短。且尋田舍歸去。回首百戰功名。北平上郡。
歷歷風沙苦。屈指封侯。諸校尉。意氣寧堪儔伍。白髮
宮娃青衫。羈客老泪同。今古掀髯。一笑塵墟野馬看。

取

前調

出師二表與殷盤周誥。同銘金石。臣本不求聞達者。
爲許先君破賊。瘴雨蠻江。秋風渭水。上將揮神筆。落
星如斗。熒熒火井將熄。今日丞相祠堂。黃鸝碧草。
俯仰悲陳迹。八陣圖邊。波浪湧。似恨譙周鬻國。一片
降旛。千尋鐵鎖。鼎足三分失。先生已矣。何能親見。啣
璧。

前調

天龍寺高歡避暑宮遺址和錫鬯

蒼苔古瓦。是人天法界。雪山深處。燕麥兔葵。荒草地。
人道高王曾住。水殿風涼。瑤臺露白。院靜渾無暑。流
螢閃閃。宮牆飛入無數。遙想涓水邛山。東西轡觸。
五技窮鼯鼠。勅勒老公詞慷慨。早見英雄黃土馬。稍
功名。人龍意氣。總逐西風去。繁華銷歇。統然朝暮。鐘
鼓。

前調

庚申閏中秋和其年

月如無恨。便清輝萬古。長圓難缺。昔我來思。渾不記。
瓜菓中庭重設。身世斜陽。悲歡逝水。髻有星星髮。

聞人語今年兩度佳節。却憶去歲中秋。輕雲薄霧。黯黯芙蓉闕。造物多情還補得。潑眼明蟾奇絕。再舞霓裳。平分桂影。疑對千峰雪。重陽遲了。幾行白鴈能說。

解語花

咏水仙同家弟作

鑊水作面。剪雪爲衣。溪畔盈盈。女幽懷誰許。相逢處。翠袖低垂。不語淡黃眉。嫵聽子夜歌。殘白綻。更難兼並。蒂連枝。姊妹還同侶。因念雲遊洛浦。自陳王去後。離別酸楚。明珠翠羽。相逢誤。脉脉此情塵土。花魂

無○主○抵○多○少○小○牕○微○雨○願○年○年○月○白○風○清○仗○東○君○畱○
取○

前調 和人咏驪山溫泉

蜃蒸作霧。地湧成珠。一水溶溶貯。炎涼誰主。大千界。
只有清流可語。乾坤奧府。是天地恩波凝注。閱從來。
蕭索繁華。多少傷心處。記否長生雨露。乘春風靈
液。蕩滄容與。霓裳妙舞。驚魂散。鐵騎漁陽。鞞鼓石蓮
如許。想舊日魚龍無數。悵華清一帶。靡蕪任撫。今弔
古○

前調 詠美人花間影和鳳子

伯勞偷喚，纔理晨粧。小立東風徑，綠陰深靚，苔痕濕。
羅襪一鈎清冷，遲迴不定。喜蝶粉花光相映，生憎他
倒暈明霞，漏洩驚鴻影。百裯繡裙，厮稱似天風吹
墮。露桃仙井，冶遊暗省。銷凝處，怕惹離魂難靜。流輝
耿耿，任撲菼亂紅飛暝。帶滿身香氣歸來，向枕邊猶
剩。

珍珠簾 賦得水晶簾下看梳頭

雕房幾曲，桐陰裏，金塘側。第一傾城姝麗，髮髻照人

明學遠山螺髻，蟬影花光相撩亂。襯一片芭蕉濃翠。
清綺更珊鈎犀押，冷波橫地。疑是月底初逢，被水
輪掩映，織綃情思。宛轉翫瓊顏。倩曉風吹起。人在銀
河清淺處。倚白玉欄杆如水。心醉。想道書慵把，幽懷
旖旎。

桂枝香

癸

風清露細，早稻熟江鄉。嫩涼無比。八跪雙螯。郭索迷
離烟水。斷蘆折葦洲邊。憇美輪囷行沙如駛。寒潮來
去。孤舟沒滅。漁燈初起。正好是荒村雨霽。有何人

答○答○蕭○然○汀○畔○小○市○平○橋○過○處○霜○天○凝○紫○橙○黃○橘○綠
登○高○會○醉○東○籬○酒○人○風○致○依○稀○記○得○魚○莊○設○籩○夜○分
無○寐○

水龍吟

白蓮

平○湖○烟○水○微○茫○个○人○彷彿○橫○塘○住○碧○雲○乍○起○羽○衣○初
試○靚○粧○楚○楚○露○下○三○更○月○明○千○里○悄○無○尋○處○想○蘆○花
蘋○葉○溟○濛○一○色○迷○玉○井○峰○頭○路○莫○是○苧○蘿○未○嫁○也
明○璫○若○耶○歸○去○遊○仙○夢○杳○瑤○天○笙○鶴○凌○波○微○步○宿○鷺
飛○來○依○稀○難○認○風○吹○一○縷○泛○木○蘭○舟○小○輕○綃○掩○映○問

誰家女

宴清都

詠大食薨茶杯爲牧仲作

猶帶鯨波冷。遙天色。斷雲微露清影。玻璃盾脆。盈盈不類。汝哥官定。曾隨貝葉金書。煩赤鬪拳鬚。官領而今作承露銅盤。仙人淚滴還靚。思量紫袖昭容。白頭阿監。深夜調茗。松濤罷響。流泉淡注。碧梧銀井。那堪回首天上。空暗憶龍團鳳餅。伴高齋。瀟灑琴樽。小牕日永。

瑞鶴仙

詠灌嬰廟瓦硯

嶙峋黃玉璞。化陶泓光怪。藝林棲托。梅花費雕琢。問
何時出土。琉璃如削。漢家封爵。是穎陰諸侯。刻桷歎
灌池遺廟荒涼。悵悵風雲刀架。猶昨。滎陽屯後。白
馬盟書。丹青酬酢。幾年索寞。人礪劍。牛磨角。論功高
值得詞華消受。十二龍賓盤礴。試代他看鼻磨來筆
花亂落。

花犯

詠花鴨爲阮亭作

傍雕欄。啄花唼菜。呼名任遊戲。依稀蘆花。蘸拍拍烟
波成隊。飛起紅裙偷褱。採蓮女。船頭競弄水。好趁取

碧天雲淡。枕椰斑暗記。何人竹弓。莫輕彈。鴛鴦交頸處。驚他濃睡。爭撲鹿澄潭下。嫩黃難比。渾迷却斷霞一點。看隻影橫斜。穿暮紫。倩去伴甲煎銀葉。躡躑香霧裏。

臺城路

詠隗囂宮堯杯

丸泥不閉函關路。神功煨來杯斝。色映琉璃。聲隨哀玉。淺碧嫩黃交射。流霞欲化。想西伯雍容。葡萄傾瀉。紫殿基平。何人收拾夜泉下。千年又成廢寺。早霜鐘粥鼓。相伴清暇。土甯花斑。魚吹浪白。過眼興亡難。

話誰堪並價。有銅雀荒臺。尚畱殘瓦。且盡深卮。任更
闌燭。爇。

前調

遠后洗粧樓

東樓春色天邊落。來時駕鵝風作。鳳輦曾畱瑤臺乍
起。粧點遠山眉角。宮蟬綽約。想欲動長光。未垂簾箔。
炫轉熒煌。明星一一帶池閣。興亡幾番過眼。聽遊
人指說斜照城脚。窄堵波高。雨淋鈴急。壞磴莓牆蕭
索。驚飈振蕩。是曲裡琵琶。白翎哀雀。只有長河潺湲
聲似昨。

前調 送分虎歸長水

秋陰慘淡天如墨。城頭角聲初起。野水長橋。炊烟小市。魚尾斷霞成綺。羈愁未已。怕土銜荒涼。夜長難睡。人影憧憧。一行清露曉風裏。分湖紫蟹正美。桃鄉新稻熟。流匙香細。白雁縱橫。黃花爛熳。還憶離亭曲子。行。滕漫試。便脚底匡廬。不如歸計。霜冷吳根。扁舟。悽暗葦。

拜星月慢

秋日雨後飲宋子昭新泉亭座上聞歌

撩亂苔錢。差池菱葉。白板橋邊秋水。點點浮漚。漚銀

塘珠碎。斷雲濕。拖逗餘霞明滅。暈作遠山螺髻。薄暮
罇開。正玉簫聲起。裊晴絲。百轉春鶯脆。西風冷月
落朱門閉。一朵兩朵幽蘭共。荷香迢遞。汲新泉乍試
龍團味。紅燈小。不照愁人醉。待歸時。露滴閒階。有吟
蟲伴睡。

霓裳中序第一

詠龍鬚爲涓清賦

崢泓勢猶怒。誰向層波剪冰箸。憶當日。青天乍擘。伴
火鬣朱鱗。度雲穿霧。清秋島嶼。抱驪珠。濃睡。腥雨。莫
也是。涓淵戰罷。飄落翠蓬路。羈旅。生涯如許。還藏

得敵宮幾縷，輕綃細合潛貯。怕一夜驚雷破壁飛舞。
何人拾鳳羽，便鬪草休教換去。他年事天風鶴背，投
下又重數。

綺羅香

朱敦仲座上聞歌

抹麗凝香。池塘過雨。屈注明河天際。雪酒銀桃。六月
燕山風味。倩數聲玉笛吹來。似一串驪珠擲碎。看盈
盈初日芙蓉。雙瞳剪水兩眉翠。青衫畱落舊客。遮
莫嬌絲脆管。難令沉醉。幾點螢光。猶照蒼苔無寐。好
宮調賀老教成。倦心情屏風立地。漫流連入破伊州。

記楓香曲子。

秋霽 本意

雨過長天。早露重閒階。新月如沐。射角明河。垂簷珠
斗。苔影上人。眉綠流螢誰撲。霜紈小扇。銀塘曲。渾無
寐。風度藥欄。憂憂響修竹。漏殘酒醒。篆冷烟銷。隱
壁秋蟲似伴。幽獨。拂莓牆。花香作陣。秋蘭綽約。疑空
谷。故國難窮千里目。悠然歸興。只在黃葉村中。白蘋
鄉裏。數間茅屋。

南浦 春水用玉田詞韻

新漲碧於天。近清明。做弄橫塘晴曉。輕燕掠波圓。靴
文細。一片麴塵誰掃。魚投織影跳珠。只似荷錢小。催
雨東風寒。又暖綠。遍長堤芳草。漫漫別浦滌泐。驚
畫船簫鼓。鷗眠未了。鴈齒接紅橋。漁莊遠。何處鳴榔
聲到。斷烟渺渺。斜川如帶平蕪悄。撲面楊花亂落。更
添入浮萍多少。

花發沁園春

咏司馬相如私印

倒薤披離朱絲零亂。土花苔蘚交亞。龍文覆斗。天色
垂陰。溫潤玉情堪把。千秋作者。字裏認當年。司馬歎

經過華屋山丘。閱人良自多也。辛苦臨邛書劍。倩
何人昆刀刻鏤。風雅凌雲賦就。卓女粧成。十樣蠻牋。
親打。織織欲下。早逗漏明紅一鏡。好留伴硯匣琉璃。
冷光朝暮相射。

望遠行

咏延陵季子劍

寒星黯淡青銅色。出匣驚飛風雨。龍鱗千尺。虎氣千
年。彷彿精靈堪語。記得當時曾帶故人荒隴。此道千
今如土。挹神光重見冠裳楚楚。賓旅鳴佩中原歷
聘。只解識寸心相許。回首蘇臺魚腸忽起。散亂長鉞

名家詩錄
無數試。弔要離墳草。賜夷潮水。一樣英雄難訴。對州
來君子。恩讐忘否。

解連環

藍花和湘瑟詞韻

驚風凄切。滿江千一片。凍雲吹折。飄萬點。不辨東西。
枉賺得行人。鬢絲添雪。明月光中。隱沙岸。鴻聲清絕。
更間隨釣艇。暗入柴門。伴人騷屑。助他怒潮。嗚咽。
捲興亡。舊恨浪花明滅。笑垂楊。只解飛綿。難點上征
衫。迷離成鐵。露冷蒹葭。還記得。綠芽如髮。問故家。秋
娘何在。風流總歇。

一寸金

詠長平遺鏃

數○點○寒○薜○入○眼○離○離○土○花○碧○是○威○陽○王○者○神○兵○親○鑄○
沉○沙○千○載○耕○夫○重○得○黯○黯○黃○金○色○試○磨○洗○猶○堪○穿○石○
笑○平○原○計○誤○馮○亭○圍○合○邯○鄲○幾○輕○擲○暗○想○當○年○武○
安○初○將○疾○聲○撼○趙○壁○早○沙○蟲○猿○鶴○一○軍○都○化○粘○雲○衰○
草○戰○場○如○昔○鬼○哭○西○風○裏○最○慘○澹○天○陰○月○黑○乍○摩○挲○
線○齒○銀○關○怕○帶○青○磷○跡○

風流子

京口懷古

三○山○圍○鐵○甕○孫○郎○後○今○古○幾○英○雄○憶○北○府○參○軍○寄○奴○

王者金戈鐵馬橫據江東。凌歊上歌風。追漢帝。置酒
宴羣公。一代偉人。龍行虎步。十年征戰。洛下關中。
祇今憑弔處。佛狸祠下路。烟樹冥濛。爲念尋常巷陌。
社鼓連空。算礪礪戰地。幾多白骨。金焦名勝。兩點青
峯。惟見驚濤滿眼。東去匆匆。

前調 金陵懷古

大江流日夜。寒潮急。寂寞打空城。想玉樹曲終。梁塵
爭落。金釵垂後。斜月低橫。如今但荒臺存瓦礫。廢殿
走鸚鵡。桃葉渡頭。半篙春水。莫愁湖畔。一片秋聲。

南唐成往事。攝山看斷碣。夢裏三生。千載澄心堂紙。
撥鐙書名。歎衣冠王謝。高低禾黍。文章庾鮑。冷落沙
江。依舊龍蟠虎踞。渺渺峯青。

前調 姑蘇懷古

胥門懸落日。東風軟。人立小斜廊。是越女靚粧。舞停
歌罷。捧心無賴。展轉迴腸。難重問。錢江烟水白。檣李
陣。雲黃。歌吹海中。荒哉旦暮。溫柔鄉裏。老矣君王。

勾章烽火急。見姑蘇臺畔。長劔如霜。誰念鷗鷺相國。
目斷危檣。早輕裝一舸。浮家遠去。功成身退。磊落行

藏回首。故宮花草難遺。茫茫。

前調 錢塘懷古

英雄開草昧。山衣錦。萬弩射潮低。彼吳越一王。高車駟馬。威靈五季。玉冊金泥。驚回首。西陵烟月淡。葛嶺斷霞飛。三竺六橋。老髯曾醉。斜風細雨。和靖頻題。

六飛南巡後。西湖比西子。綠圻紅歆。誰憶金明池水。禾黍離離。想德壽重華。兩宮遊幸。綺羅絃管。繚繞蘇堤。千載江山如故。還使人悲。

疎影

咏落照遙和錢舍人

斜陽欲下。學西流弱水。如電傾瀉。未免多情弄影。蒼然。迴光更戀亭樹。明霞幾縷。霜天赤。掩映作江山圖畫。最撩人。烏柏丹楓。常是借他聲價。依約黃昏近矣。齊飛並孤鷺。秋色瀟灑。莫向樓頭。賺得愁人一地。迷離生怕。平蕪衰草。淒涼處。有多少。暮雲歸馬。倩開元。小李將軍。海岸斷紅描寫。

八寶粧

咏未央宮銅奩

渭上西風。漁床晚照。鐵網千絲初舉。翡翠迷離。光映水。一片苔痕淒楚。咸陽遺製。花天月地。樓臺蜂黃蝶

粉重重護細字蟲魚繡斷依稀金縷。未央拋擲何
年。昆吾村外濕燐入夜偷聚。慣點綴鮫官眉嫵。問飛
燕舊時曾否。思伴侶銅駝陌上黃昏聽盡瀟瀟雨筭
流落人間玉箱也出茂陵去。

蘇武慢

元宵雪後作

皓魄初圓。罡風猶勁。剪破彤雲萬里。桂影扶疎。嫦娥
清冷。白玉樓頭似水。銀花作陣。火樹迷空。照見離離
珠蕊。想蜀天積雪峩峩。崖下佛燈如此。何須問雙
鳳雲間。六鰲海上。簫鼓聲中燕喜。竹葉橫窓。松陰滿

徑○有○箇○幽○人○在○裏○白○眼○誰○同○青○樽○易○歇○赤○脚○層○冰○遊
戲○應○難○尋○千○樹○梅○花○長○笛○一○聲○而○已

沁園春 贈柳敬亭

席帽單衫擊缶鳴。豈不快哉。况玉樹聲銷。低迷禾
黍。梁園客散。清淺蓬萊。蕩子辭家。羈人遠戍。耐可逢
場作戲來。掀髯笑。謂浮雲富貴。麴蘖都埋。縱橫四
座嘲詆。嘆歷落欵寄。是辯才。想黃鶴樓邊。旌旗半捲。
青油幕下。罇俎常陪。江水空流。師兒安在。六代興亡
無限哀。君休矣。且扶同今古。共此啣杯。

八歸 題其年填詞圖

散○聖○安○禪○烏○衣○白○袷○淡○岩○風○流○如○許○酒○旗○戲○鼓○人○間○
世○博○得○蕭○然○驢○背○鬚○眉○塵○土○凌○轍○詞○壇○三○十○載○寫○六○
代○興○亡○無○數○翻○墨○瀋○歷○落○嶽○寄○看○海○奔○鯨○怒○誰○拂○
生○綃○作○照○維○摩○清○冷○坐○對○散○花○天○女○三○疊○霓○裳○一○聲○
河○滿○曲○項○琵琶○金○縷○問○英○雄○紅○粉○可○到○相○逢○斷○腸○處○
想○歌○闌○深○卮○微○勸○銀○甲○春○寒○水○沉○香○慢○炷○

賀新涼 再贈柳敬亭

咄○汝○青○衫○曳○闕○浮○生○繁○華○蕭○索○白○衣○蒼○狗○六○代○風○流○

歸○抵○掌○。舌○下○濤○飛○山○走○。似○易○水○歌○聲○聽○久○。試○問○于○今○
真○姓○字○。但○回○頭○笑○指○蕪○城○柳○。休○暫○住○。談○天○口○。當○年○
處○仲○東○來○後○。斷○江○流○樓○船○鐵○鎖○。落○星○如○斗○。七○十○九○年○
塵○土○夢○。纔○向○青○門○沽○酒○。更○誰○是○嘉○榮○舊○友○。天○寶○琵琶○
宮○監○在○。訴○江○潭○憔悴○人○知○否○。今○昔○恨○。一○搔○首○。

前調

送阮亭東歸兼悼西樵

倦○客○歸○鞍○里○。恰○三○秋○霜○林○葉○散○。鯉○魚○風○起○。四○角○紅○羶○
驂○子○背○。躑○躑○河○橋○之○際○。趁○不○上○東○華○宵○騎○。三○疊○淒○涼○
渭○城○曲○。感○生○平○清○淚○如○鉛○水○。知○我○者○。惟○兄○耳○。重○逢○

蕭寺人憔悴。憶君家中郎。阿大清言何綺。杳矣人琴。
千載恨。宿草吞聲未已。離緒到中年。如此生不成名。
身已老。歎虎頭食肉非吾事。空擊筑。長安市。

摸魚兒

西直門外作

北邙邊。高低丘隴。縱橫無數羊虎。玉魚金椀。何時葬。
又見斷碑如礎。魂自語。須認取。文章功業難憑據。白。
楊老樹。戰一片秋聲。向人頭上。颯颯作涼雨。西州。
路。敗笠青衫。羈旅。緇塵撲面來去。黃蘆苦竹。千秋恨。
都付紙錢飛處。天已暮。想入夜。雲旗風馬。精靈度荒。

涼三戶。共塚上狐狸。山中木客同結歲寒侶。

前調

題錫鬯蕃錦集

裊茶烟吟成樂府。旗亭畫壁無數。龍梭一擲光凌亂。
碎○剪○碧○霞○千○縷○紅○豆○譜○。彷彿似方圭圓璧。冰花鑄高
岑李杜。入主客圖中。新聲古調。總屬麗情句。前身
是白石仙人非誤。精靈虎僕輸汝。長安簫鼓千門熱。
閉戶著書良苦。寒欲去。又早是春燈金薤琳瑯處。天
衣重補。美妙手神針。絲絲無縫。莫被夜來妬。

前調

寄贈史雲臣

繞荆溪數間茅屋。竹山舊日曾住。吟花課鳥無遺恨。
領袖詞場南渡。逐電去。誰更續哀絲脆管。紅牙譜湖
山如故。又幻出才人。鏤水繪影。杼寫斷腸句。鷓絃
上。彈入蝶菴金縷。平分髯客旗鼓。槎酥滴粉。方成詠
偷換羽聲。淒楚推獨步。須信道秦黃蘇陸無今古。江
東日暮。想席帽風欹。春衫酒濕。行過翠藤路。

前調

方滑仁葦健松齋幸園松之存也詞以贈之

響晴濤綠陰半畝。神龍拏攫烟霧。關門一夜喧銅馬。
波上鯨鯢爭怒。鳴戰鼓。有多少蘭亭梓澤皆塵土。午

橋如故。縱劫火。茫茫。斧斤不到。交讓大夫樹。江東
秀王謝衣冠最古。五陵佳氣呵護。霜皮黛色。年年在
點綴。菊畦桑苧。俱園名誰種汝。須記取。黃山白嶽移根
處。婆娑自舞。看五鬣蒼然。向人有意。謾謾滴秋雨。

前調

謝念東先生惠藥

問先生丹砂幾粒。是誰搓得如許金膏。九轉匆匆熟
吹落。半天風雨。顏可駐。君不見淮王鷄犬雲中去。且
留小住。待紺髮徐生。亂髯更紫。重覓玉京路。人間
世。只有鬚眉良苦。地黃蘿菔相誤。黑頭自笑。渾無用。

一任秋霜千縷飄弱絮有多少北邙年少無尋處
屍輪堪馭縱親到神仙便能屈曲俛首看人否。

笛家

九日長安遣典和其年

黃菊浮觴紫萸盈把露涼風細匆匆早是秋將暮
天街如蟻燕尾鬢鬆卓金車響紛紛兒女剪綵旗旛
花糕擔子知送誰家去葉爭飛雁初緊只少滿城風
雨情緒不堪搖落龍山戲馬何處追遊破帽單衫
一襟塵土試問故國荒涼宅樹草長欲齊堦否深巷
人歸華堂客醉作陣鳴腰鼓聊送目夕陽邊惟見碧
雲

千縷

前調 己未九日蛟門招集諸子遊黑龍潭

野○水○拖○藍○遙○峯○疊○翠○嫩○涼○時○候○閒○人○那○不○登○高○去○城○
陰○杜○曲○幾○樹○枯○楊○幾○層○頽○壁○當○年○遊○處○橋○井○苔○腥○曉○
堂○霧○濕○莫○作○重○陽○雨○話○新○寒○晚○鴉○急○客○子○羈○愁○添○否○
良○晤○峭○帆○乍○歇○玉○盤○蝦○菜○斟○酌○南○烹○蟻○綠○鱗○紅○十○
觴○連○舉○只○少○繞○砌○黃○花○爛○熳○空○負○數○聲○金○縷○拂○拂○鞭○
絲○垂○垂○帽○影○行○過○風○潭○路○月○上○也○恰○當○頭○共○聽○荒○畦○
人○語○

畫屏秋色

送舅氏之唐山廣文在

行李蕭條去，騁遠目禾黍芄芄驛路，督亢吹荒，潯池
浪急，亂雲天暮。葦杜舊家聲，早打疊寒檀辛苦。聽一
片鳴蟬訴。况夢繞西州，哀湍壞道，知在斜陽一帶，蒼
然平楚。無語銷魂，羈旅更莫去，傷今懷古。十年踪
跡。一番離別，悲歡無處。馬首又他鄉。烏衣巷口人何
處。首蒼闌干堪煮。上日及新秋，爲語天邊好月分照
兩人愁緒。

蘭陵王

送二舅之沅州

嶺雲白。湖草枯。天弄碧。湘烟淡。沅水分流。弱柳絲絲
罨行色。武陵南下驛。漸入枕。柳瘴黑。鶻聲裡。鐵騎連
營。一髮青山望京國。依依感疇昔。記巷口。烏衣門
邊霜戟。電光石火音塵寂。愁一肩行李。半林斜照空
祠榕。暗嘯木客。衡陽雁程隔。難覓謝公屐。問橘井
遺踪。郢雪荒宅。參軍蠻府工書檄。念東第。淒冷北堂
晨夕。寒螿啼徹。聽砌語助太息。

大酺 石林席上聞絃索

正酒船行人聲寂。好月如珪偷照。鷓鴣初入破。響風

箏刀尺麻姑手爪。銀甲徐調。水絲輕撥。啄木丁丁。小
鳥空山無人處。任花開花落。洞天深窅。忽變作玉關。
千群鐵馬。平沙衰草。吳儂歌縹緲。嘆舊曲誰似臨
川好。遮莫向岐王筵上。崔九堂前。琵琶彈出傷心調。
未抵繁絃巧。引蝶翅蜂鬚相惱。但羈客青衫老。奈何
頻喚。頓減中年懷抱。鬢邊明日白了。

玉女搖仙珮

與米紫來論詞卽書其集後

才○人○剩○技○削○玉○團○香○有○得○離○奇○如○此○繡○嶺○官○前○苧○蘿
溪○上○一○一○傾○城○姝○麗○更○把○繁○絃○倚○似○飛○仙○劍○客○乘○風

遊○戲○怨○離○別○青○衫○紅○袖○消○向○琵琶○羯○鼓○聲○裏○沙○石○書○
然○驚○苦○竹○黃○蘆○暗○啼○山○鬼○省○識○紅○鹽○妙○理○換○羽○移○
宮○墮○盡○關○河○人○泪○細○數○名○家○晚○唐○南○宋○漫○說○蘇○豪○柳○
膩○海○岳○當○年○齋○平○分○取○書○画○船○中○風○味○又○證○入○金○荃○
蘭○畹○小○山○白○石○天○花○亂○撒○珊○瑚○碎○酒○邊○珍○重○烏○絲○字○

前調

咏魚苔棧

刻○溪○玉○葉○渲○染○神○工○却○倩○銀○塘○丹○鯽○波○面○揚○鬚○鏡○中○
吹○雨○飄○入○碎○萍○無○力○一○株○空○明○碧○問○何○人○拾○取○水○天○
顏○色○欲○偷○寄○飛○瓊○片○紙○怕○似○方○諸○滴○泪○難○識○驚○萬○縷○

千○絲○莫○是○珠○官○鮫○妹○輕○織○。不○辨○河○山○一○氣○潮○落○潮○
平○。納○納○乾○坤○生○白○杳○雷○嵐○光○。迷○離○樹○影○總○帶○蠻○雲○腥○
澁○造○物○莽○搜○索○。有○多○少○寒○火○溫○泉○奇○跡○。渾○未○抵○浮○漚○
隱○現○絲○瀛○滄○島○苔○痕○掩○映○荆○關○筆○。憑○誰○爲○訊○騫○霄○國○

吳蘭次

綺

曰。珂雪詞字字香艷。至議論風生處。有

烘雲托月之勢。

汪修如

俊

曰。家仲繩侄。極艷稱珂雪詞。如嬌鶯欲

醉。花曉初舒。一日令歌者按紅牙度之。會心處
幾令心癢欲搔。惜不能向麻姑借爪耳。請付諸
梓。以公同好。

張山來

潮

曰。先君視學山左。每謂詞章之妙。無過

宋萊陽王新城。昆季而尤重曹安丘。每抄其珂
雪詞。把玩不釋。以其才情淵博。寄調清新。能于

咀商嚼羽處。凌轢蘇黃。椰榆秦桺。真山左三大
家也。

聶晉人

先

曰實庵先生長調之妙。妙絕古今。若使

花庵選手見之。亦不能局於令慢間矣。是刻初
得之蘭次山。來二處。再得于槎客歸舟所携。恐
俱非全帙。擬借羽向黃山白嶽間求之。必能一
時紙貴。百家增色。恨余之抱疴不能也。